

The University of the State of New York

REGENTS HIGH SCHOOL EXAMINATION

ISTWA ETAZINI AK
GOUVÈNMAN

Madi, 19 jen 2007 — 1:15 pou 4:15 p.m., sèlman

Non Elèv la _____

Non Lekòl la _____

Ekri non ou ak non lekòl ou nan liy anlè yo ak lèt enprime. Apre, ale nan dènye paj livrè sa a, se fèy repons pou Pati I an. Pliye dènye paj la sou pèforasyon yo e, dousman e ak atansyon, detache fèy repons lan. Apre sa ranpli tèt fèy repons ou an. Kounye a, mete non ou ak non lekòl ou nan tèt chak paj nan livrè pou redaksyon an.

Tès sa a gen twa pati. Fòk ou reponn tout kesyon nan **tout** pati yo. Itilize plim nwa osnon ble maren pou ekri repons ou yo.

Pati I genyen 50 kesyon ak chwa miltip. Enregistre repons kesyon sa yo nan papye repons lan.

Pati II genyen yon kesyon redaksyon ki baze sou yon sijè. Ekri repons kesyon sa a nan livrè redaksyon an, kòmanse ak paj 1.

Pati III baze sou plizyè dokiman:

Pati III A genyen dokiman yo. Chak dokiman gen youn ou plis kesyon apre li. Nan livrè tès la, ekri repons ou genyen pou chak kesyon sou liy ki apre kesyon an. Fòk ou si ke ou ekri non ou ak non lekòl ou sou premye paj seksyon sa a.

Pati III B genyen yon kesyon redasyon ki baze sou dokiman yo. Ekri repons ou pou kesyon sa a nan livrè redaksyon an, kòmanse nan paj 7.

Lè ou fini ak ekzamen an, fòk ou siyen deklarasyon ki nan fèy repons Pati I an, ki vle di ke ou pat gen okenn konesans kesyon oubyen repons yo anvan ekzamen an, epi ou pa ni bay ni pran poul pandan tès la. Yo pap ka aksepte fèy repons lan si ou pa siyen deklarasyon an.

Li sevèman entèdi pou ou itilize aparèy kominikasyon pandan ekzamen sa a. Si ou itilize nenpòt aparèy kominikasyon, menm si se pou yon ti tan, ekzamen ou an pap valab ankò e ou pap resevwa nòt pou li.

PA OUVRI LIV EGZAMEN AN TOUTOTAN OU PA RESEVWA SIYAL LA POU OUVRI L.

Pati I

Reponn tout kesyon nan pati sa a.

Eksplikasyon (1–50): Pou chak deklarasyon oubyen kesyon, ekri sou fèy repons separe a, *nimewo* mo oubyen ekspresyon, nan tout sa yo bay yo, ki pi byen konplete deklarasyon an oubyen reponn kesyon an.

1 Nan bwochi *Bon Sans* la, Thomas Paine te mande kolonis Ameriken yo pou

- (1) anpeche Franse yo kolonize Amerik Dinò
- (2) fè konpwomi ak Angle yo
- (3) reafimen lwayote yo gen pou Wa George III
- (4) deklare endepandans yo de GrannBretay

2 Rezon prensipal ki fè yo te òganize Konvansyon Konstitisyonèl 1787 la se te pou

- (1) fini ak esklavaj nan Nò ak nan Sid
- (2) mete taks sou enpòtasyon yo ak ekspòtasyon yo
- (3) revize Atik Konfederasyon yo
- (4) redwi pouvwa gouvènman federal la

3 Ki lide Premye Fondatè yo te mete nan Konstitisyon an ki pèmèt Kongrè a satisfè bezwen yon sosyete ki ap chanje?

- (1) federalis
- (2) separasyon pouvwa
- (3) kloz elastik la
- (4) dwa Eta yo

4 Rezon prensipal Antifederalis yo te kont ratifikasyon Konstitisyon an se te paske yo te kwè

- (1) amande konstitisyon an te twò fasil
- (2) yo te bay eta yo twòp pouvwa
- (3) yon sistèm tribinal federal tap twò fèb
- (4) dwa endividyèl yo pat byen pwoteje

5 Ki pouvwa yo te delege bay gouvènman federal la nan Konstitisyon Etazini a?

- (1) etabli yon relijyon ofisyèl
- (2) kontwòle komès ant eta yo
- (3) kontwòle maryaj ak divòs
- (4) bay tit noblès

Sèvi ak deklarasyon ki anba a epi ak konesans ou nan syans sosyal pou reponn kesyon 6 ak 7 yo.

... Privilèj Lòd Habeas Corpus la pa dwe sispann amwenske nan Ka Rebelyon oswa Envazyon Sekirite piblik la kapab mande sa. . . .

— Article I, Seksyon 9, Atik 2, Konstitisyon Etazini

6 Atik konstitisyon sa a eksprime lide

- (1) libète sivil yo pa absolü
- (2) revolisyon esansyèl pou demokrasi
- (3) defans nasyonal mwens enpòtan pase dwa endividyèl
- (4) libète laprès garanti

7 Pandan ki lagè prezidan an te sispann lòd pou habeas corpus la?

- (1) Gè Revolisyonèl
- (2) Gè 1812
- (3) Gè Meksiken
- (4) Gè Sivil

8 Ki tit ki pi ale ak deskripsyon an pati ki anba a?

- I. _____
- A. Pati politik yo
 - B. Sistèm komite nan Kongrè
 - C. Revizyon Jidisyèl
 - D. Kabinè Prezidan

- (1) Konstitisyon ki pa ekri
- (2) Amannman Konstitisyonèl yo
- (3) Pwosedi Elektoral
- (4) Kontwòl ak Ekilib

- 9 • Gouvènman Etazini takse gazolin.
 • Lwa Eta New York mande yon taks sou anpil machandiz.

De deklarasyon sa yo pi byen montre prensip

- (1) pouvwa konkiran
 - (2) dwa pwopriyete
 - (3) pouvwa rezève
 - (4) souvènte popilè
- 10 Ki deklarasyon sou Lachanm Reprezantan Etazini ki vre?
- (1) Lejislati eta yo chwazi reprezantan yo.
 - (2) Konstitisyon an pèmèt chak eta gen de reprezantan.
 - (3) Kantite reprezantan nan chak eta baze sou popilasyon li.
 - (4) Pati politik prezidan an toujou gen yon majorite chèz nan Lachanm nan.
- 11 Gwoup presyon yo tankou Asosyasyon Fizi Nasyon la (NRA) ak Asosyasyon Edikasyon Nasyon la (NEA) la ka enfluyans desizyon gouvènman an paske yo
- (1) chwazi dirijan Kongrè yo dirèkteman
 - (2) travay pou eli lejislatè ki sipòte opinyon yo
 - (3) peye salè ofisyèl yo eli yo
 - (4) vin manm twazyèm pati politik
- 12 Sistèm rivyè Misisipi a te yon resous enpòtan pandan premye mwatye ane 1800 yo paske yo te itilize li pou
- (1) irige tè ki gen dezè yo
 - (2) transpòte pwodwi agrikòl yo nan mache
 - (3) mennen imigran yo nan Nòdès la
 - (4) pwodwi enèji idwoelektrik
- 13 Pwoklamasyon Netralite Washington (1793), Lwa Anbago Jefferson (1807), ak Doktrin Monroe a (1823) tout te yon jefò pou
- (1) evite konfli politik ak nasyon Ewopeyen yo
 - (2) sipòte dirèkteman revolisyon Ewopeyen yo
 - (3) ede Grannbretay nan lagè li kont Lafrans
 - (4) fè pwomosyon pou alyans militè

- 14 Sou kontwòl Chèf jistis John Marshall (1801-1835), Lakou Siprèm Etazini a te pran desizyon
- (1) deklare lwa segregasyon rasyal yo pa konstitisyonèl

- (2) bay eta yo pouvwa pou takse Labank Etazini yo
- (3) ogmante abiltè Kongrè a pou limite pouvwa prezidan an
- (4) tabli sipremasi lwa federal yo sou lwa eta yo

- 15 Kisa ki te yon rezon prensipal ki fè esklavaj te simaye nan Sid nan premye mwatye ane 1800 yo?

- (1) Règleman gouvènman federal yo te an favè ekspòtasyon nan Sid yo.
- (2) Nouvo envansyon yo te mennen yon ogmantasyon nan pwodiksyon koton.
- (3) Laplipa premye faktori twal yo te konstwi nan Sid.
- (4) Gouvènman federal la te ankouraje enpòtasyon moun ki nan esklavaj.

- 16 Prezidan Andrew Jackson te itilize sistèm koripsyon an pou

- (1) refize lwa li pat renmen yo
- (2) ranfòse desizyon Lakou Siprèm yo
- (3) deplase Ameriken Endyen Natif Natal yo sou tè tradisyonèl yo
- (4) bay sipòtè pati politik yo travay


- 17 Slogan “senkann kat karant oswa goumen!” aneksasyon Texas, ak Gè Meksiken an, tout gen rapò ak

- (1) teyori nilifikasyon
- (2) pratik sesesyon
- (3) kwayans nan Desten Manifès
- (4) lide bon jijman an

- 18 Lwa Homestead la (1862) eseye fè pwomosyon pou devlopman tè nan lwès yo lè li
- (1) kreye yon sistèm baraj pou irigasyon rekòt
 - (2) bay kolon yo tè gratis
 - (3) retire tout restriksyon sou imigrasyon
 - (4) mete Ameriken Endyen Natif Natal yo nan rezèv yo
- 19 Ki de karakteristik jeografik ki te plis enflyanse politik etranje Etazini pandan tout 19vyèm syèk la?
- (1) Oseyan Atlantik ak Oseyan Pasifik
 - (2) Gòlf Meksik ak Rivyè Missouri
 - (3) Great Lakes ak Rivyè Hudson
 - (4) Montay Appalachian yo ak Montay Rocky yo
- 20 Nan dezyèm mwatye ane 1800 yo, gouvènman federal la te ankouraje konstriksyon ray tren transkontinantal lè yo
- (1) bay konpayi ray tren yo tè
 - (2) achte gran kantite bon ray tren
 - (3) fòse prizonye yo travay kòm ouvriye
 - (4) pran kontwòl fon ray tren yo
- 21 Ki aksyon ki te make lafen Rekonstriksyon nan Etazini?
- (1) ratifikasyon 14zyèm amannman an
 - (2) retrè twoup federal yo nan Sid
 - (3) kreyasyon Biwo Freedmen la
 - (4) Destitasyon Prezidan Andrew Johnson
- 22 Pandan fen ane 1800 yo, ki gwoup ki te pi sipòte ak fòs yon politik imigrasyon louvri?
- (1) konsèvasyonis yo
 - (2) nativis yo
 - (3) pwopriyetè faktori yo
 - (4) fèmme nan sid yo
- 23 Kisa ki te yon objektif prensipal Lwa Dawes la (1887)?
- (1) pou kreye yon sistèm lwa tribal pou gouvènman tout rezèv yo
 - (2) pou retire Chewoki yo nan sidès Etazini
 - (3) pou ranfòse inite tribi Ameriken Endyen Natif Natal yo
 - (4) pou ankouraje asimilasyon Ameriken Endyen Natif Natal yo
- 24 Yo te souvan itilize Teyori Dawinis Sosyal la pou jistifye
- (1) kreyasyon Ku Klux Klan
 - (2) fòmasyon monopoli komès
 - (3) grèv sendika travayè yo ap fè
 - (4) pasaj lwa antitrust la
- 25 Taks sou revni nasyonal, fè pyès monnen ki fèt ak ajan lib epi san limit, epi eleksyon dirèk senatè yo te pwopozisyon ki te nan
- (1) Deklarasyon Santiman yo
 - (2) Plan Repibliken pou Rekonstriksyon
 - (3) Platfòm Pati Popilis
 - (4) Sistèm Rezèv Federal
- 26 Anvan yo antre nan Premyè Gè Mondyal la, Etazini te pwoteste kont Lalmay ki te itilize lagè anba dlo prensipalman paske li
- (1) te vyole Doktrin Monroe a
 - (2) te dekouraje imigrasyon Etazini
 - (3) te poze yon menas dirèk pou vil Amiken yo
 - (4) te vyole prensip libète lamè yo
- 27 Kisa ki te rezon prensipal gran migrasyon Ameriken Nwa yo nan vil nan nò yo pandan premye Gè Mondyal la?
- (1) Opòtinite travay te disponib nan faktori nan nò yo.
 - (2) Yo te anile Lwa Jim Crow yo nan Sid.
 - (3) Yo te pase lwa dwa pou vote nan eta nan nò yo.
 - (4) Gouvènman federal la te garanti yon fen nan diskriminasyon.
- 28 Ki karakteristik ane 1920 yo pwosè Sacco ak Vanzetti a te montre ?
- (1) ostilite vizavi sifraj fanm
 - (2) sipò pou segregasyon
 - (3) opozisyon a separasyon legliz ak leta
 - (4) entolerans vizavi imigran yo

Sèvi ak kat anba epi ak konesans ou nan syans sosyal pou reponn kesyon 29 ak 30 yo.

Teritwa ak Afèmaj Etazini yo, 1857–1903



Sous: Maps.com (adapte)

29 Objektif prensipal kat sa a se pou montre

- (1) sous resous natirèl enpòtan yo
- (2) devlopman enperyalis Etazini
- (3) kwasans komès esklavaj Atlantik la
- (4) rezilta Lagè Espanyòl-Ameriken an

30 Konklizyon enfòmasyon ki sou kat la pi byen sipòte se konstriksyon Kanal Panama te motive pa volonte Etazini pou

- (1) ogmante nivo vi moun nan Amerik Latin nan
- (2) ogmante mobilite naval epi etann mache yo nan lòt peyi yo
- (3) amelyore relasyon yo ak nasyon Amerik Latin ak Peyi Azi yo
- (4) kenbe yon politik sekirite kolektif

Pati A

Kesyon ak Repons Kout

Eksplikasyon: Analize dokiman yo epi reponn kesyon ak repons kout yo ki swiv chak dokiman nan espas yo ba ou a.

Dokiman 1

5 novanm, 1872, Susan B. Anthony, ansanm ak sèz lòt fanm, ale nan biwo vòt ki nan zòn yo nan Rochester pou vote nan eleksyon jeneral la. Yo te arete li epi li fè deklarasyon sa a nan pwosè li a. Nan pwosè a, yo te jwenn li koupab epi yo te fè li peye yon amann.

. . . Miss Anthony. [ap pale] — Pèmèt mwen jij, mwen pap janm peye yon dola nan penalite ou a ki pa jis. Tout aksyon mwen posede nan mache a se yon dèt \$10,000, mwen vin genyen lè mwen pibliye jounal mwen an ki rele—*The Revolution*—ki te gen yon sèl objektif edike tout fanm pou yo fè egzaktman sa mwen fè a, ki se revolte kont tout fòm lwa ki pa konstitisyonèl, lòm fè ki pa jis, ki takse, fè peye amann, mete nan prizon epi pann fanm, pandan yo ap refize yo dwa yo genyen pou yo gen reprezantasyon nan gouvènman an; epi mwen pral travay ak fòs pou mwen peye chak grenn dola nan dèt onèt sa a, men pa yon santim dwe ale pou amann ki pa jis sa a. Epi mwen pral kontinye ak fèmte epi pèsistans ankouraje tout fanm pou rekonèt pratik ansyen maksim Revolisyonè a “Reziste tirani se obeyi Bondye.” . . .


Sous: Ida Husted Harper, *The Life and Work of Susan B. Anthony*, Vol. I, The Hollenbeck Press, 1898

1 Dapre Susan B. Anthony, poukisa li te refize peye amann lan? [1]

Score

Dokiman 3a

Parad Sifrajèt yo, c. 1913



Sous: Library of Congress

Fanm Wisconsin te gen Lekòl Sifraj Depi 1900

Fanm nan Konetikèt Te Gen Lekòl Sifraj Depi 1893

Nan Tout Men Eksepte nan 4 Eta Fanm gen Kèk Sifraj

Manifestan devan Mezon Blanch, 1917



Sous: Miles Harvey, Women's Voting Rights, Children's Press

Dokiman 3b

3a Kisa ki te yon objektif fanm yo montre nan foto sa yo? [1]

Score

b Jan yo montre li nan foto sa yo, kisa ki te **yon** metòd fanm yo te itilize pou rive nan objektif yo? [1]

Score

Dokiman 4

**Douz Rezon pou
Kisa Fanm Dwe Vote**

1. PASKE sa ki obeyi lalwa yo dwe ede chwazi moun ki fè lwa yo.
2. PASKE lwa yo afekte fanm menm jan ak gason.
3. PASKE lwa ki afekte FANM yo adopte kounye a san yo pa konsilte ak yo.
4. PASKE lwa ki afekte TIMOUN yo dwe gen opinyon fanm kòm gason ladan yo.
5. PASKE lwa ki afekte KAY la vote nan chak sesyon lejislati a.
6. PASKE fanm yo gen eksperyans ki ka ede nan lejislati yo.
7. PASKE retire privilèj fanm pou vote se diminye pozisyon yo nan estimasyon komen an.
8. PASKE lè fanm gen dwa pou vote sa ap ogmante sans responsablite nan mitan yo sou kesyon ki gen enpòtans piblik.
10. PASKE santèn de milye de fanm entelijan, ki panse, ki travay di vle vòt la.
11. PASKE objeksyon yo pou fanm pa gen vòt la baze sou prejidis, pa sou rezon.
12. PASKE pou rezime tout rezon an yon sèl – SE POU BYEN TOUT MOUN.

VOTE POU SIFRAJ FANM
BAY YON ZANMI SA A EPI MANDE LI POU VOTE POU LI

ASOSYASYON SIFRAJ FANM NAN MASACHOUSET
Katye jeneral: 585 Boylston St., Boston

N. W. S. Publishing Co., Inc.

Sous: Massachusetts Woman Suffrage Association

(Note: Vèsyon orijinal panfle sa a pat gen yon Rezon 9)

4 Dapre dokiman sa a, ki *de* agiman sifrajèt yo te itilize nan fèy piblisite 1915 sa a pou sipòte objektif yo? [2]

(1) _____

Score

(2) _____

Score

Dokiman 5

. . . Nan reyinyon sa yo [sou tretman Ameriken Nwa nan bis yo], nou pale non sèlman sou de fanm yo te arete, men tou sou yon kantite ensidan ki pase nan bis yo ki pa janm rive nan tribinal, san dout paske viktim yo te pasaje nwa. Anpil nan chofè blan yo te deside pou toumante moun nou yo chak fwa yo gen chans. Pa egzanp, lè bis la te yon ti jan plen, yo te fè nwa yo peye pou bis la, epi desann, epi ale nan pòt dèyè a pou monte nan bis la. Pafwa yo te menm derape rapid pandan yon pasaje ap pran tan dèyè a apre li fin peye. Omwens yon fwa yon chofè te fèmen pòt dèyè a sou bra yon fanm nwa epi te trennen li rive jis nan pwochen arè a anvan li te pèmèt li monte nan bis la. Li klè kalite malfezans inital [san nesosite] sa a te kontribye nan tansyon ki tap ogmante nan bis Montgomery yo. Nou te eseye rezone ak otorite lokal yo epi ak ofisyèl konpayi bis la. Yo te janti, yo te koute plent nou yo ak figi yo byen serye, epi yo pat fè anyen.

1 desanm 1955, Mrs. Parks te monte nan bis la sa ki vin popilè kounye a epi deklanche evenman ki vin mennen nan yon gwo kokenn chenn revolisyon sosyal. . . .

Sous: Ralph David Abernathy, *And the Walls Came Tumbling Down*, Harper & Row

5a Dapre Ralph David Abernathy, kisa ki te yon objektif Ameriken Nwa yo nan Montgomery, Alabama? [1]

Score

b Dapre Ralph David Abernathy, kisa ki te **yon** mwayen Afriken Ameriken yo te itilize pou diskite de pwoblèm yo? [1]

Score

Dokiman 9

JERICHO, U.S.A.



Sous: Herblock, *Washington Post*, March 21, 1965 (adapte)

9 Jan ti komik Herblock sa a montre li, kisa ki te yon objektif espesifik manifestan ki tap mache pou genyen egalite dwa yo? [1]

Score

Detache La a

The University of the State of New York

Part I

REGENTS HIGH SCHOOL EXAMINATION

ISTWA AK GOUVENMAN ETAZINI

Mardi, 19 jen 2007 — 1:15 apremidi pou 4:15 apremidi, sèlman

FÈY REPONS

Gason

Fi

Non Elèv la G/F:

Non Pwofesè a

Non Lekòl la

Ekri repons ou yo pou Premye Pati a nan paj repons sa a, ekri repons ou yo pou Twazyèm Pati Seksyon A nan liv egzamen an, epi ekri repons ou yo pou Dezyèm Pati a ak Twazyèm Pati Seksyon B a nan yon lòt tiliv redaksyon apa a.

- 1..... 26
2..... 27
3..... 28
4..... 29
5..... 30
6..... 31
7..... 32
8..... 33
9..... 34
10..... 35
11..... 36
12..... 37
13..... 38
14..... 39
15..... 40
16..... 41
17..... 42
18..... 43
19..... 44
20..... 45
21..... 46
22..... 47
23..... 48
24..... 49
25..... 50

FOR TEACHER USE ONLY

Part I Score _____

Part III A Score _____

Total Part I and III A Score []

Part II Essay Score _____

Part III B Essay Score _____

Total Essay Score []

Final Score (obtained from conversion chart) []

No. Right []

Fò w siyen deklarasyon sa a lè ou fin pran egzamen an.

Mwen konfime, nan fen egzamen sa a, mwen pa te wè okenn kesyon nan egzamen sa a epi mwen pa te okouran okenn repons nan egzamen sa a anvan jou egzamen an yon fason ki ilegal. Epi tou mwen pa ni bay ni m pat resevwa okenn poul pandan m ap pran egzamen an.

Detache La a

